


COVID-19

(Kab Mob Coronavirus 2019)

(COVID-19 (Coronavirus Disease 2019))



COVID-19 yog ib tug kab mob hlab ntsws uas tuaj yeem kis ntawm ib tug neeg mus rau ib tug los ntawm cov teev qaub ncaug thiab cov hmoov pa hauv hlab ntsws. Txhaj cov koob tshuaj tiv thaiv tus kab mob COVID-19 kom txog koob tshiab tshaj plaws yuav pab tiv thaiv tawm tsam rau kev mob nkeeg hnyav, kev tau mus pw hauv tsev kho mob, thiab tag lub neej txoj sia los ntawm tus kab mob COVID-19.



Cov Cim Qhia thiab Cov Tsos Mob* ntawm tus kab mob COVID

- ▶ Hnoos (hnoos zoo tsis tu qab los sis heev zog tuaj)
- ▶ Mob qa
- ▶ Txog Siav
- ▶ Kub ib ce ua npaws los sis ua daus no
- ▶ Los Ntswg
- ▶ Mob Leeg
- ▶ Mob taub hau
- ▶ Tsis hnov qhov ncauj qab

CIM TSEG: Tsis yog txhua tus uas muaj tus kab mob COVID-19 yuav muaj tag nrho cov tsos mob no thiab qee cov tib neeg yeej tsis muaj cov tsos mob kiag li. Koj yeej tseem kis tau tus kab mob rau lwm cov neeg txawm tias koj cov tsos mob huam me los sis tsis muaj cov tsos mob hlo li.

*Qee cov tib neeg yeej yuav hnov nkees heev los sis muaj cov teeb meem rau lub plab xws li xeev siab, ntuav, raws plab, los sis mob plab.



Tiv Thaiv Koj Tus Kheej thiab Lwm Tus kom txhob kis tau Tus Kab Mob COVID-19

- ▶ **Mus txhaj tshuaj tiv thaiv kab mob thiab txhaj kom txog cov koob tshuaj tshiab tshaj plaws.** Txhua-txhua leej uas muaj hnuv nyoog 6 hli nce mus ntawd yuav tsum tau mus txhaj koob tshuaj tiv thaiv tus kab mob COVID-19 uas muaj kev nyab xeeb thiab siv tau zoo los tiv thaiv tau tus kab mob COVID-19.
- ▶ **Koom nrog kev kuaj kab mob COVID-19 yog tias koj muaj cov tsos mob ntawm kab mob COVID-19 los sis ua ntej sib sau ua ke nrog lwm tus, tshwj xeeb yog pab tiv thaiv cov neeg uas muaj feem yuav mob hnyav.**
- ▶ **Nyob hauv tsev yam tsawg kawg 24 teev kom txog thaum ob qho yog tiag:**
 - ▶ Koj cov tsos mob tau zoo tag nrho lawm.
 - ▶ Koj tsis kub taub hau lawm (thiab tsis siv tshuaj txo qhov kub taub hau lawm).
- ▶ **Nrhiav kev kho tus kab mob COVID-19.** Yog tias koj muaj mob uas los ntawm tus kab mob COVID-19, hu rau koj tus kws kho mob kom kawm paub ntxiv txog txoj kev tu xyuas kab mob kev nkeeg thiab cov kev kho uas muaj los pab koj cov tsos mob kom ntaug. Tuaj yeem nrhiav tau cov ntaub ntawv ncauj lus ntawm Department of Health Services (Lub Tuam Tsev Hauv Lwm Saib Xyuas Cov Kev Pab Cuam Kev Noj Qab Haus Huv, DHS) [COVID-19: Phab vev xaib hais txog Cov Kev Kho Mob thiab Cov Tshuaj Kho Mob](#).

<https://www.dhs.wisconsin.gov/covid-19/treatments.htm>





Kuv yuav tau ua dab tsi thiab yog tias kuv tau chww raug tus kab mob COVID-19?

- ▶ Mus kuaj ntsuas txog tus kab mob COVID-19 yam tsawg kawg li 5 hnuv tom qab koj chww raug.
- ▶ Soj qab xyuas txog cov tsos mob.



Kuv yuav ua dab tsi yog kuv muaj cov tsos mob ntawm tus kab mob COVID-19?

- ▶ Mus kuaj ntsuas tus kab mob COVID-19 kiag tam sim ntawd.
- ▶ Nyob hauv tsev yam tsawg kawg 24 teev kom txog thaum **ob qho yog** tiag:
 - ▶ Koj cov tsos mob tau zoo tag nrho lawm.
 - ▶ Koj tsis kub taub hau lawm (thiab tsis siv tshuaj txo qhov kub taub hau lawm).



Kuv yuav ua dab tsi yog tias kuv muaj tus kab mob COVID-19?

- ▶ **Yog tias koj kis kab mob COVID-19, koj yuav tsum nyob hauv tsev yam tsawg kawg 24 teev** thiab cais tus kheej tawm ntawm lwm tus neeg thiab cov tsiaj hauv koj lub tsev. Hnuv 0 yog thawj hnuv koj pib muaj cov tsos mob los sis hnuv uas kuaj ntsuas pom muaj tus kab mob COVID-19 (yog tias koj tsis muaj cov tsos mob).
- ▶ **Yog tias koj muaj cov tsos mob**, koj tuaj yeem xaus tau kev cais tus kheej tawm tom qab 24 teev yog tias koj tsis kub taub hau lawm yam tsis muaj kev siv tshuaj noj txo kev kub taub hau lawm thiab koj cov tsos mob zoo zuj zus lawm.
- ▶ **Yog tias koj tsis muaj cov tsos mob lawm**, koj tuaj yeem xaus tau kev cais tus kheej tawm tom qab 24 teev. Yog tias koj muaj cov tsos mob tom qab kuaj pom tias muaj kab mob, koj lub sij hawm cais tawm ib leeg hauv 24 teev yuav tsum tau rov pib dua tshiab. Hnuv 0 yog thawj hnuv koj pib muaj cov tsos mob.
- ▶ **Xav txog kev looj daim ntaub looj ntsej muag thiab nyob kom sib nrug deb** li 5 hnuv tom qab rov los ua hauj lwm li qub.



Kawm kom paub ntau ntxiv txog tus kab mob COVID-19

- ▶ **Cov Koob Tshuaj Tiv Thav Kab Mob:** www.dhs.wi.gov/covid-19/vaccine.htm
- ▶ **Kev Kuaj Ntsuas Kab Mob:** www.dhs.wi.gov/covid-19/testing.htm
- ▶ **Ntaub Ntawv Txog COVID-19:** www.dhs.wi.gov/covid-19/data.htm
- ▶ **Cov Ntaub Ntawv Nthuav Dav Txog Tus Kab Mob COVID-19:** www.dhs.wi.gov/covid-19/index.htm

